

Flurs-sulegl – l'experiment



Il mars è exact il dretg temp per semnar insatge. Dentant tge? I dat da quai che va pli lev da semnar e da quai ch'è pli cumplitgà. Simpel per trair èn per exempel flurs-sulegl.

Ti dovras:



- terra e sablun
- ina sadella per maschadar
- ina pala
- vasch da flurs
- folia da plastic
- sems da la flur-sulegl

Preparar:



Avant ch'entschaiver a semnar èsi da metter ils sems intginas uras en l'aua. Uschia vegnan els pli loms e chatschan megljer.

- Maschaida il sablun cun la terra.





- Svida questa maschaida en ils vaschs da flurs e guarda che la terra saja guliva.

- Metta ca. tschintg sems en in vasch e cuvra quels cun in centimeter terra.



- Ussa das ti precaut aua ed alura cuvras il vasch cun la folia da plastic.

- Per ch'ils sems survegnian tuttina anc in zic aria, stos ti anc furar pitschnas rusnas en la folia.



I crescha:

Duas emnas na vesas ti insumma nagut. Lura entschiva la flur plaunsieu a chatschar ord la terra. Cura che las plantas èn dus centimeters grondas, prendas ti davent la folia da plastic. Ussa èsi impurtant che ti boglias regularmain las flurs.

Mez matg - cura ch'il terren na po betg pli schelar – mettas ti las flurs en gronds vaschs ora en il liber u plantas ellas en il curtin.